

川藏摺印水陸記異

編 撰 者 小 影



川藏哲印水陸記異緒言

余生于遜清同治壬申至本年辛酉十月年五十矣比年饑驅奔走碌碌無寧歲髮已頒白齒亦動搖嘆流光之易逝悲功業之未就言念及此未嘗不慷慨悲歌也今以患難餘生飽經世變追思往事半已渺茫深恐年久之易忘也乃手公餘之暇錄而存之聊誌鴻爪云爾

余早年伏處鄉園久困窗下因念大丈夫志在四方豈可坐守筆硯間乎乃于戊戌之春叩別堂上遠遊川蜀以觀天地之廣大己亥冬回籍謁盛杏蓀世丈請在四川之自流井設立電局自流井有鹽井火井人物富庶商賈輻輳川中富區也時條陳上而甫奉批准適庚子之亂事遂中止辛丑春以旭人封翁之介紹復入蜀蒙川督奎樂帥委機器局監工兼銀圓局差未幾岑雲階制軍來川辦理警務因余年力富強頗囑望于余惟余性相遠甫經就職適前常州府知府有大公祖官印泰^{號夢}奉旨簡放駐藏辦事大臣馳驛來川下車之初與余一見如舊相邀入藏爲助余正思脫離川省欣然從命欽差赴藏例于川省

候補人員中擢調六人為隨員余其一也同行者有湖南范君啓榮號湘梅前清副榜四

川直隸州判長于詩文浙江余君釗號荷生四安徽馬君吉符號竹君附生四漢軍恩喜

號惠臣四川候補同知及江君潮號少漢成都駐防驍騎校蓋皆有大力者為引援也癸

卯八月二十一日由成都起程途中詳情另記于後九月初九日抵打箭鑪此地漢番雜處川藏出入咽喉土人名為小上海自此入藏計程六千餘里沿途

房舍稀少住宿為難余等人衆分三次進十月初三日余與江馬二君先行十

二月二十二日始抵拉薩所遇冰天雪地雲連嶺斷足以增眼界而擴胸襟者

實匪淺鮮欽差則後三日登程而後四日至委余幫辦文案事宜兼洋務局及

巴塘防堵等差西藏事浮于人一切職務均由六人分任甲辰四月復委兼印

度議約開導正委蓋時因英藏通商交涉議約全權大臣唐紹儀尙有參贊張蔭棠文案梁

等士詒駐印度與英相持年餘始竣事是年五月二十五日番兵特來圍攻使署

自未至酉始退詢之乃本署巡捕馬某與番兵因言語不通而致衝突也蓋藏

人飲食衣服不與華同贄幣不通言語不達余亦大苦之復以堂上春秋高亟

思東旋以盡子職乃于丙午秋請假回籍于七月二十三日由拉薩登程取道

亞東關遇張星使蔭棠蓋來藏查辦事件也過哲孟雄渡恒河八月二十一日抵印度之加爾各答盤桓旬日至二十九日忽商人閉戶擊鑼鼓燃爆竹唱歌余大奇之詢之土人乃往年今日英政府砍分印度爲兩省以衰其勢添設巡撫以資鎮攝印人恨之今若此者所以喚醒同胞無忘國恥也其意深矣九月十二日乘吉生公司船回國渡印度洋行八日至檳榔嶼越一日至新加坡二十九日抵香港登陸稍理征裝十月初四日改乘中國招商船初八日至上海故鄉重逢樂也何如十二日抵家喜堂上精神矍鑠妻孥無恙而親友侶朋爭相慰問余亦樂意應接惟恐不周焉

民國辛酉五月毘陵吳崇光小瑾自述

川藏哲印水陸記異緒言

川藏哲印水陸記異例言

一西藏非中國內地可比係一片荒山人烟稀少不生草木偶有石山亦無風景可寫此日記專記所遇奇異路徑險易形勢要隘專備行軍之需非出洋遊行日記作消遣品也

二中國各省地理風俗記者甚多亦亦有十餘省筆記因在蜀道遺失惟西藏一隅少有詳細筆記余此日記仍恐遺失故印多本以防失落

三他人日記行程均註月日我則不然今將每站住宿地名抬頭似多醒目并易于查看

川藏哲印水陸記異例言

川藏哲印水陸記異目次

自成都至打箭爐程途

自打箭爐至拉薩程途

西藏源流

雜記

自拉薩至靖西亞東關程途

自亞東關至哲孟雄之大吉嶺火車站程途

自大吉嶺之咱拉八崗火車站渡恒河至東印度加爾各答火車站程途

自東印度加爾各答至香港海道程途

川藏哲印水陸記異 目次

川藏哲印水陸記異

自成都至打箭爐程途列后

第一站住雙流縣出成都南門過武侯祠萬年橋均平道共走四十里至雙流縣

第二站住新津縣過南林舖黃水河羊馬河西河（卽岷江）共走平道五十里至新津縣

第三站住邛州行三十里至揚場尖站又六十里至邛州君平之故里在焉城南有卓文君當爐處司馬相如之讀書亭均平道共行九十里

第四站住大塘舖出邛州南門二十里至大通街打尖又四十里至大塘舖卽蒲江縣界成都至打箭爐本十二站因連日陰雨路滑不能趕站

第五站住百丈關走十三里至乾溪舖又十二里至黑竹關又十五里至百丈關俗呼百站明洪武時因糧道不通益州牧藍玉鑿石開道計費萬餘工而通雲南道卽此地也百站東三里有一穴周圍百丈故有此名

第六站住名山縣行十里至洗馬池又十里新店子又十里南木泥又十里至名山縣卽古之嚴道縣也縣西十五里卽蒙山山頂有茶數株爲清時貢品茶譜云山有五嶺頂有茶園中頂曰上青峯卽所謂蒙頂也頂上有甘露井其水有異香焉共四十里平道

第七站住雅州府行十五里至金雞關又十里火燒橋卽渡武侯平羌河綱鑑卽名沫水渡過卽是雅州城古之靖府也其地產黃連雅茶共走四十里平道自過雅州則道路崎嶇難走矣

第八站住觀音舖行十二里過紫石又名四十里地因陰雨難走共行四十里至觀音舖住宿

第九站住榮經縣走十里上飛龍閣又十五里高橋關山頂上有古刹名龍興寺山下卽煎茶坪又五里施家礮卽榮經縣界又五里青天站又五里廟下有尹孝子廟一座向右手下河邊卽渡七蹤河其水發源於瓦屋山下又十里過若水河便是榮經縣城共走五十里古名孟州二水繞環昔武侯初擒孟獲之所也城西有宋節度使李泌之籌邊樓今改爲東嶽觀城外有古城

即孟獲之舊城武侯穿穴掘地入城擒獲之所至今形勢尙存城中所掘之穴已成一塘不時起霧濛濛如雨名爲古城烟雨其地產太湖觀音寺茶亦清時貢物也城東北卽古笮關榮經縣城外邛崃山上有竹節高而中實可作杖名邛竹杖是也

第十站住黃泥舖走七里至鹿角埧卽顛頊帝故里又三里水池舖又十里青口站又三里大通街又六里抽水舖又十二里黃泥舖共走三十一里路不平兼陰雨難行

第十一站住清溪縣走十里小關山又十里大關山卽名九折板王陽畏途是也明末張獻忠兵到此欲犯西南有漢源街民李廷華年七十餘率鄉兵迭敗張獻忠于此漢源街在清溪縣西南三十里卽古之漢源縣係馬岱鎮守之地今有馬土司卽馬岱之後九折板兩邊高山中間一條獨路途中片石如刀立人馬難行上下設兵防守始呼爲大小關山並不高曲折而上過崗卽一六十五里凍雲庵有武侯祠一座向南卽大相嶺山脚又十里至大相嶺山頂古卽邛州夾山共二十四個盤旋而上卽武侯屯兵處春冬雪霏

浩大夏秋烟瘴陰雨罕逢晴明之日山峰直冲雲霄昔果親王過此題詩云奉旨撫西戎冬登大相嶺古人名不朽千載如此永山上有西藏喇嘛過此遇蟒與鬪兩敗具傷喇嘛卽埋此山頂上凡西藏喇嘛赴京過此山卽堆大石幾塊以表敬意日積月累竟成高山矣下山名象鼻子亦盤旋而下又十里抵羊圈門有路兩叉一走牛屎坡一係舊路此嶺于洪武間景川侯曹震鑿石以通行人又五里至清溪縣署內有藜椒樹一株係唐玄奘經過此地以椒杖插於此而生云所結椒實如桂圓大清時貢品唐誌清溪縣係前通聖縣後改爲朝陽縣城南不數里係大河卽盧河也通雲南明萬曆間改設黎州今改爲清溪縣設官兵於此歸太甯協管轄今改爲阜和協駐打箭鑪今日之路第一難行

第十二站住泥頭汎走三十里到富庄古名蠻庄乾隆十五年西番不法駐藏欽差傅清拉布敦二人遇害四川提督岳威信公率兵馳救過此題詩云西藏番酋逆焰張謀成旦夕起兵殃誅兇一劍揮雷電報國雙軀歿戰場死重泰山名不朽屍藏馬革膏油香誅詞未盡褒忠義遙奠忠魂淚滿裳又二十

里至班鳩岩卽大堰溝又十里山溪口又十五里泥頭汎又名宜東街有電報局其地人物衣冠又是一種景象曰猓猓者卽昔之羗人也共走七十五里今日路平好走

第十三站住化林坪走二十里至山脚坪又二十里伏龍寺又十里飛越嶺山頂有瓦房一所地勢極好真一將當關之地終年有積雪飛霜俯瞰層雲如在天際山頂隘處有古刹關帝廟過隘卽下山無存足之地比大相嶺山十倍之險共十五里至化林坪共走六十五里此地歸打箭鑪廳管轄欽差住都司衙門古名化林營屬建昌鎮雍正十三年噶達廟達賴喇嘛遷回西藏仍將泰寧副都千把總弁兵七百餘員遷歸化林坪仍改爲泰寧協路當孔道轄制五營遊都守分防黎雅峨邊清溪阜和後改歸提督管轄今又改爲阜和協管轄並轄制蠻夷及大小土司百戶土司共二百餘處清果親王過此題詩云泰寧城到化林營峻嶺臨江鳥道行天限華羌開此地塞垣宜建最高坪是日共走六十五里道路十分難走

第十四站住冷磧行窄路二十里至興隆堡又名龍坭舖係大市鎮再向左手

去地名沈村余土司住牧之處附近多產糧食土人衣冠半夷半漢語言改變又行十里過佛耳岩右手高山左手深河路不盈尺甚險過去不一里係冷磧亦一小市鎮卽周土司住牧之處向無支應來往差使住民房路尙平坦共走四十餘里

第十五站住鑪定橋隨河邊走又二十里至瓦脚又十里至棗葛頂一路仙人掌甚多上結仙人桃味甘可食又十五里抵鑪定橋地稍溫暖河卽瀘河也前有橋梁開打箭鑪之後始建鉄索橋有聖祖仁皇帝御製碑文勒石於左橋東西長三十丈一尺寬九尺施九股索此橋身長八丈餘上覆木板鎮以梁柱翼以扶欄御賜橋名曰鑪定係康熙十五年建造此地歸咱哩烹填兩土司支應夫馬共走四十五里平路

第十六站住瓦司溝晨起身卽過鉄索橋有兵盤詰甚嚴又行十五里至咱哩又二十里至小烹填路甚陡險唐提督之兵曾阻於此山脚河邊尙有兵營之基址果親王有詩云已過連雲棧幾重如何首險大崗峰行人湧湧生勞頓萬水千山不易逢下卽釵花扁其路窄險在峭壁之上以木石培砌偏橋

一經失足則形影全失又二十五里至瓦司溝共走六十里路不平

第十七站住打箭鑪行五里頭道水沿山岸而行峻嶺臨江又五里至二道水高岬夾峙聳立水中山後有瀑布飛湧而下其聲如雷果親王有詩云徵雪豎壁插青天一線中通鳥道難馬過溪頭蹄帶雪斷岬千尺掛龍泉又五里三道水又十五里八八舖又十里柳羊又十里小孫崗又五里大孫崗又十五里打箭鑪城沿途亂石滿徑水聲不息不但路難行卽語言亦不能聽聞同人住考棚欽差住客廳東上房余與余荷生住西上房馬竹君恩惠臣住余之右隔壁時連日大雪竹君惠臣甫出房門住房被雪壓倒行李全損幸未傷人卽日移居明正土司衙門此地因須明正土司另起烏拉必久居以候至九月初九日到打箭鑪至十月初三日起身出關同人均騎馬欽差坐轎糧食備齊足用至西藏途中無法添備也打箭鑪在四川之西南部昔以此地爲川藏之境界氣候寒冷三山環繞二水並流相傳武侯造箭於此其匠人郭姓所乘之羊已仙去鑪有廟形容古怪夷人敬而畏之鑪城止有三門無牆垣以山水爲城郭卽口外各種番夷貿易總滙之所亦茶市之要區

也人烟輻輳市井繁華凡珠寶等物爲中國本部所無者每於此地見之人物衣冠風俗言語又自不同所居之屋外砌虎皮石內以木爲柱三五層不等名曰碉房能禦槍炮之射擊所耕者荳麥青稞所牧者牛羊所食者酥油炒麵乳茶羊肉所信者喇嘛病不服藥惟延喇嘛念經飲蠻酒所供者則牛肉花菓之類也設直隸廳一明正土司一轄制裡塘巴塘大小土司城南十里明正土司修瓦房一所取名御林宮內有溫泉清水泉余與同事及欽差均去洗浴河邊有大小石寶石眼內湧出熱水如同開水以生雞蛋置洞口片刻卽熟亦一奇也大水天石寶均沉沒水中冬天水涸石寶全現此處產天生黃

自打箭鑪至西藏拉薩途程

第一站住折多塘十月初三日由鑪城起身余一人用馬明亮一名步明亮一名馬明亮係引道步明亮隨從馬後臨時使喚到宿站另有湯打役各一名湯役管取水負薪燒火各事打役管放馬馬步明亮隨烏拉更換湯打役逐日更換是日出城向北順河而進行不數里名二道橋有溫泉上建房屋土

番漢人均沐浴於此泉土番之婦人名曰沙布又名阿家亦時沐浴於此過海子山即惠遠廟俗名噶達城通志名折多通各部番夷及西甯青海西藏各地之要道也清果親王題惠遠廟詩云曙色歡欣動列屯西南蜀國共朝之滴蘇熬芋充供佛宣德還稱白樂樽共走四十里公館坐落折多山脚下明晨應過此山一日均平道

第二站住安娘垵晨行經拱竹橋沿山而上約二十里至折多山頂又行二十里至提茹塘尖站一路亂石難行又走三十里至安娘垵有蠻戶數家宿礪樓共走八十里礪樓建築法係用虎皮石砌上下兩層下一層喂牛羊馬匹上一層住家四圍如城牆有月洞望遠極爲堅固以禦匪人也昨日起身因料理征裝出門已在午後三點抵折多山公館已六時矣黑夜無光飭兵弁炊餐應飢第一天騎馬諸多不慣異常辛苦上榻正思安眠已雞鳴窗前微露曙光兵弁已催促起身推開雙扉雪花飄飄天地一色思入藏計程六千餘里今始動頭如何能到思到苦境不禁淚涔涔而下江少漢勸我不必畏懼大丈夫貴在立志一意向前同路人衆久則習慣我輩當毅然決然此行

當有進無退何懼之有余亦自知必無折回之理況行李三日前已發出幸次日天晴一路山外有山番人異言異服男女混雜戎馬之間別有趣味則不從辛苦二字上著想矣

第三站住東俄洛沿途人烟稀少走五十里住廣興店是日共過兩座小木橋樹木茂盛草料亦多可隨意取用也

第四站住臥龍石行二十里至山脚子尖站再上高耳寺山道路甚險深林箐密寂無人烟冬春之間深雪蔽路又二十里達山頂山中有喇嘛寺名高山寺又二十里下山脚又十里至臥龍石有碉樓亦有燃料共走七十里高耳寺山極陡難上易下沿途積雪未化

第五站住河口訊一名中渡訊行四十里登八角樓遙見漢人之店舖土番之碉樓焉由此至中渡河口氣候溫煖又二十里至小橋過橋又行三十里至河口東西兩岸皆土人住牧之所也往來官吏於此換烏拉人夫共過木橋五座共走九十里住民房此地名河口訊又名雅龍江有街一條小有市面設外委一員河通雲南牛羊有稅過河卽換烏拉夏秋用牛皮船其形如龜

逐波而行冬春水落之時搭浮橋水勢洶湧而險昔武侯將兵至此轉而南行云今有碑記存焉自過河口一路不用制錢須用印度盧比每元重三錢二分人民以之交易近年四川做鑄上印光緒帝像亦通行也

第六站住蔴蓋宗晨起身渡河進深林山溝五十里至蔴蓋宗有二三人戶住民房一路亂石難行沿途樹木甚多柴草俱全天氣寒冷積雪未化

第七站住西俄洛晨起身行四十里至剪子灣有塘兵二名公館一所又有大雪山一名撥浪工山出冬蟲夏草又三十里至撥浪工山頂此地終日大風有外委一員又二十里下山路抵西俄洛昔年公在此築城堡在焉住公館今日裡塘土司四朗占戴到西俄洛接差土司服裝係元明衣冠共走九十里山大

第八站住咱嗎拉洞由此越雪山行四十餘里至咱嗎拉洞山脚無人戶有塘房可住此地出產仁壽菓貝母蟲草麝香等物

第九站住火竹卡晨自咱嗎拉洞山脚起身行三十里至天埧峻山頂又四十里亂石窰更經不毛之地至火竹卡住蠻房此地設外委一員歸阜和訊管

轄

第一站住裡塘由此過一橋沿河而上約三十里至么卡子尖站上火燒坡下坡又四十里至裡塘清時年羹堯築城於此有商民千餘戶有喇嘛寺一所山原平闊地寒不生五穀畧有燃料糧食由雲南運來設糧台一員以知縣任此職小有市面地極寒冷水土惡劣食之腹脹與各部番夷接壤設正副安撫土司各一員把總一員此地有金礦成色最高

第十一站住頭塘晨行三十里過大木橋又三十里即到頭塘有塘房可住柴草全無路通瓦述瞻對共走六十里平道

第十二站住喇嘛了晨行十五里至乾海子有蠻房又十五里過黃土崗虎皮溝至拉耳塘有塘兵又二十五里抵喇嘛了共走五十里平道此地有電局喇嘛了番人性情强悍水性惡劣所致

第十三站住三埧塘過兩座山路難走約有五十里有蠻房十餘家又十里至二郎灣有塘兵又走有吳王廟即吳三桂也又走約六十里抵三埧塘有蠻戶十餘家柴草俱全不產糧食係巴塘界此處換烏拉共走一百二十里

第十四站住大所塘行六十里至松林口山景頗好在露天地尖站又三十里至大所塘住公館年羹堯於此築城今已傾頽形迹尙存地勢險要有蠻戶十餘家共走九十里

第十五站住本察木山高而險行三十里至本察木終日在松林間行此地於光緒三十一年番民戕害駐藏幫辦大臣鳳全四川提督馬維祺領兵馳剿即於此地被番兵四圍埋伏圍困於此將官馬如賢受傷卽此地也

第十六站住巴塘亦在松林中行三十五里至小琪冲有蠻戶此地應換烏拉馬步明亮又有溫泉可洗浴又行三十里抵巴塘住漢人王姓房子此地地面遼闊沃野千里東接瓦述裡塘南連滇省結黨北至瞻對桑昂帮德爾格地方西至南墩卽川藏交界處也置正副安撫土司二員管糧務文職一員又有武官駐防於此地方溫暖產各種瓜果麩食甚好水土平和此日係下坡路共走六十里兩邊高山中間一條獨路巴塘之東約五里地名黠哥嘴光緒三十年三月鳳大臣及隨從員弁一百十餘人遇害卽此地也中國有墾牧公司於此法國教堂一所關帝廟一座丁林喇嘛寺一所極爲高大喇

嘛勢焰兇悍此地應換烏拉正土司名羅進寶副土司名郭宗札寶丁林寺堪布名壩喇朱格均因謀害鳳大臣被馬維祺生擒軍前正法川滇邊務大臣衙門即在此處清季改設行省立道府縣各缺現歸并四川省

第十七站住竹笆籠自巴塘西行向南過橋沿江而行五十里至牛古渡尖站有人戶柴草又四十里抵竹笆籠氣候溫煖住蠻戶此地設外委一員產糧食小菜

第十八站住空子頂出門即坐木船渡河名金沙江其水發源於乳牛山經過巴塘達雲南又折入四川叙州府名馬湖河又行四十里公拉尖站有人戶塘兵又向北行通桑昂邦靈卡石一帶又五十里抵空子頂有塘兵柴草俱全公館一所今日路好走共行九十里

第十九站住南墩行三十里至蟒里尖站換馬步明亮又五十里那木塘又過凝靜山此山係中國與西藏交界處又十里至南墩小有市面柴草俱全番人於此屯糧有漢人寺一所係前雲南吳三桂所建名其山曰凝靜山有分界碑上鐫西藏雲南巴塘分界八字已模糊此處換烏拉住公館共走九十

里

第二十站住普納塘行四十里至古樹換烏拉又三十里至普納塘住蠻房又換烏拉共走七十里

第二十一站住江卡汎行平坦六十里即到設守備一員番屬營官一員把總一員是日住公館又換烏拉

第二十二站住黎樹塘行六十里至大壩尖站有塘兵又三十里上大山頂又下山三十里即黎樹塘共行一百二十里換烏拉此處設外委一員

第二十三站住喇嘛寺一名拉耳塘行四十里過小山下山見平道即喇嘛寺住蠻房換烏拉

第二十四站住石板溝過山山路陡共五十里即到站住公館寬大設把總一員此地漢夷各半小有市面

第二十五站住阿足塘晨過阿足山共六十里住公館設把總一員蠻戶十數家此地換烏拉

第二十六站住羅家塚上小山下山走平道又上山坡此地一片大平填滿地

細草作淺綠色非常柔軟有無數小地穴每一穴內匿淺灰色小鼠又淺黃色小鳥各一不時出穴馬行經過植鳥鼠出穴每爲驚躍稍不留心人即墜落又見小鳥立於鼠背上隨意行走驚人聲馬蹄聲羣相飛奔古人云鳥鼠同穴此說不爲無因共八十里住公館蠻戶甚多男女多剪齊額前髮沿途多產大黃葯氣熏人口內宜含甘草以避之

第二十七站住乍了三十里過木橋又三十里抵乍了設守備一員兼理糧務把總一員外委一員防兵八十名有江巴廟一所頭人公所甚多又有喇嘛寺一所此地係喇嘛管事生男變女生女變男不以爲奇住公館換烏拉均平坦

第二十八站住昂地行三十里有蠻戶二三十家卽上大山共走九十里抵昂地此處設行臺有把總一員防兵二十名土產雪蓮花一宗換烏拉

第二十九站住王卡塘行平道三十里卽上大山約十里至山頂下山路陡須下馬步行又四十里過橋卽是王卡塘住公館換烏拉共走八十里

第三十站住巴貢行平道六十里卽抵巴貢住公館應換烏拉此地係乍了昌

都兩交界處

第三十一站住包墩塘行不數里即上巴貢山不高亂石難行共四十里抵大
埧子即巴貢山麓係露天地尖站又上窟窿山滿山五彩石如經火鎔化者
俗呼爲火燄山山峰甚好山景絕佳即係孫悟空山洞也此山二十里上二
十里下又行十里平坦共九十里到包墩塘住蠻戶公館破壞已極此地從
前最多妖怪相傳經孫悟空收服至今平安

第三十二站住猛普行下坡路甚陡約三十里又上坡過山梁險處亦多又三
十里至猛普有公館新而且好柴草俱全

第三十三站住昌都即察木多設糧務一員都司一員千總把總外委各一員
防兵一百名兵丁鹽折每月每名折銀二兩四錢自猛普起身即上山路陡
下山路亦陡此處須步行路徑九曲三灣山上甲埧深藏不時劫奪行人財
物約四十里至柳林尖站多係下坡路直至大河邊行平坦路三里又上高
崗在半山上行下山路陡萬分險窄又十餘里過四川橋即是昌都共走六
十里此地應換烏拉昌都古名康平淫風極盛小菜南瓜多有係川藏雲南

三交界處北橋通四川名四川橋南橋通雲南名雲南橋自裏塘至此一帶二十餘站夷性最稱頑梗又近桑靈官角上下瞻對地勢係分兩層上一層係大喇嘛寺凡事歸該寺蒼儲巴主持此處從前歸雲南管有鎮台防守後劃歸四川總理台站下一層係漢官文武衙門置游擊一員糧務一員糧署之東有小石塔清乾隆間鎮台勾通藏番行不法事奉旨正法番屬葬之建石塔其上余行至此地適有星使壽辰住五日而行當時糧台係同鄉謝揆庭大令與我有親

第三十四站住浪蕩溝行四十里平坦至俄洛橋有兵丁盤詰過橋行三十里再過小橋卽是浪蕩溝住蠻戶有塘兵柴草俱全共走七十里

第三十五站住拉貢依山而行三十里平道至過脚山尖站卽過脚山麓也又上山四十里至山頂此山大小兩嶺路長且高雖不險亦難走下坡路約十里山景甚好左右兩山似長江之東西梁山山峯高秀又行下坡路見平坦卽近拉貢矣又行十里至拉貢有塘兵蠻戶十餘家柴草俱全住蠻戶

第三十六站住恩達走不一里右手邊有溫泉塘可沐浴又三十里平坦至疏

洛坭尖站此地歸唐古忒管轄昌都邊界矣唐古忒者卽拉薩也河對面有白牆喇嘛寺一所又十里至河邊過小橋亂石路難走約十里又過橋走平坦十里卽抵恩達共走六十里住蠻戶有公館設外委一員防兵八十名歸內五旗換烏拉約有蠻戶三十家柴草俱全自梳洛橋至西藏支應烏拉從此不費力馬匹強壯番民性情又極恭順

第三十七站住瓦合塞此站路長山多須四更時候起身走二十里至恩達塘天尙未明天氣嚴寒卽敲塘兵門進去燒火焙之苦不盡言又行十里卽上陡山上下共四十里抵牛糞溝打尖係在露天無柴草用牛糞燒火水性鹽味不能吃仍上馬由山溝而上卽瓦合山此山兩頂第一頂係平坦一望無涯周圍百餘里風大如刀割面第一山頂共四十里第二山頂亦四十里由頂而下見前面有松林卽近瓦合塘矣又十五里抵瓦合塞有將軍廟一座碩板多千總至此接差是日住公館辛苦已極下馬兩腿不能開步共走一百八十里

第三十八站住嘉玉橋出門隨右手下溝沿山而行又下溝隨溝而上至小山

頂松栢叢生約二十五里下山約二十里至麻米山脚有蠻戶三兩家打尖又上山盤旋而上山高路陡至山頂約有十里下山直達河邊又二十五里亦盤旋而下多係亂石鋪徑無一步好路隨右手沿河邊走平坦路五里過嘉玉橋有蠻戶十餘家此日住蠻戶此地係昌都碩板多兩交界處設塘兵柴草俱全又有瓜果小菜凡進藏朝佛男女及喇嘛過嘉玉橋要捐銀一錢哈噠一張名爲入藏稅歸當地蠻子收用共走九十里

第三十九站住洛隆宗出門卽上別蚌山山高路陡盤旋而上至山頂共三十里積雪未化山景清秀至山脚有溝約十里卽尖站係坐露天左手小路卽新開通至洛隆宗路平因冰未化難行卽依舊道隨山脚而行在山凹中行五十里走出山凹卽是洛隆宗住漢人馬甫卿樓房此處公館右手有關帝廟一所共有蠻戶百餘家番族生子被喇嘛寺逼令個個當喇嘛漢人在此勢力最強一娶蠻家女子蠻子可永不當喇嘛差使使番人樂意與漢人結婚出產惟馬匹一宗換烏拉之處

第四十站住紫陀行平坦路後上小坡下坡有蠻戶至鉄瓦係尖站約五十里

矣此地產青金石又行平坦三十里至紫陀有喇嘛寺卽住此寺內蠻戶甚多此處產雄黃走八十里

第四十一站住碩板多行二十里有小喇嘛寺又走許久見對面高山阻我行程卽向右手過溝上山坡走不久又向西南過小木橋上坡在半山中路極陡再過大木橋一頂上坡見有蠻戶數家過去一二里路卽見碩板多約已五十里矣共走七十里有喇嘛寺公館甚大有番官看守此地應換烏拉設有台站原有都司一員今改爲千總防兵四十名有碉樓人戶約有百餘家柴草俱全產青金石雄黃沿途藥氣薰人共走七十里

第四十二站住巴塘行山凹路許久上大山不高惟路長下山過溝卽波米喇嘛寺約已六十里矣再走十里過溝有小橋在山凹中有蠻戶數家再走上坡路仍在半山中路盤旋而行甚遠至松林亂石坡仍在半山中走已在高山脚下矣過一溝卽上山山高路長山頂風大左手山峯積雪未化下山不遠過溝卽是巴里塘又約六十里矣巴里塘坐落衆山之間有公館共走一百二十里

第四十三站住納子塘走十里即上索馬公山山高路長風大又名賽瓦合下山脚又名索馬郎至此約五十里矣係露天尖站再走平坦許久望見高山上有石峯直走過山峯隨山邊一段岩路過去下溝過小木橋一頂即左邊高山右邊溝渠人馬在山峽內行兩邊山多係亂石不生草木山景甚好似四川巫峽之景行不數里即上亂石坡頂即是納子塘此地坐落三山之間朝夕大風公館對面山峯頗似四川夔門亦是兩山高聳相對中間大路山峯高秀插入雲霄積雪未化山峰之下有蠻戶數間與蜀中白帝祠前無異出關以來山景之可趣者惟窟窿山與納子塘兩處論地勢昌都爲最共走一百里

第四十四站住邊垠行不數里即過溝有小木橋上小平坡又上小山係亂石路曲折而上難走風大拂面如刀幸下山無風亦曲折而下路陡至山脚約三十里此地仍在山凹中行係大平垠兩邊山景甚佳依右手山脚而行約十餘里過大石寶係露天尖站再走即過溝有小木橋仍在兩山之間又依左手山脚行稍有上坡路係大石窖下去路陡直至溝渠止仍過小木橋又

依右手山脚而行見對面大平坵走過山嘴即是邊坵有白牆喇嘛寺係呼圖克圖住此設外委一員防兵十名公館甚好自山脚起至邊坵約三十里共走六十里此地應換烏拉

第四十五站住丹達塘晨行由山凹中走十里即下溝過小木橋又二十里有蠻戶可打尖又十里高坡上有大喇嘛寺又十餘里上山坡左手下去依山脚行岩路右手係溝渠對面山上有小喇嘛寺又數里下溝有小木橋過橋即隨山脚行向前不遠過溝即是丹達塘共走六十里矣有蠻兵六名向西過小橋即是丹達王神廟觀王葆恒太守建立碑文知丹達王係乾隆十八年雲南解餉委員彭元辰參軍號泉三在丹達山遇雪失足陷深雪中無下落嗣經駐藏大臣派員尋訪見彭公之屍面不變色餉銀俱在奏聞後奉旨勅封丹達王就地建廟今凡官商往來無不默佑廟內有御賜馬鞍全套袍服全份現歸昌都蒼儲巴派喇嘛看守此廟香烟不絕

第四十六站住郎吉宗過丹達山即漸漸上山約十里走上山坡路不久即下溝此處更險由溝而上有蠻戶一三家再上一層又上一層遍地雪露馬不

能進即改騎毛牛由別處遶道而過係西藏第一座高山也至山頂又二十里矣風大路陡即步行下山此時仍在半山中行又二十里至山腰小平坦有蠻戶一家係扎嘛松地名即打茶尖休息一時又向西南過溝有小木橋再行十里又過溝亦有小木橋兩邊山景甚好蒞此境不啻身到巫夾路仍亂石難走又行二三里過溝又有小木橋卽上坡行不一里又下溝過小木橋卽上大山坡徐徐而上一層又一層卽是郎吉宗又十里矣共行一百里無一步好走路住公館甚好有防兵二名蠻戶數家此地坐落半山之間又名郎金溝地勢分兩層平坳

第四十七站住大窩向西在半山中行或上或下人極辛苦直下山溝約四十餘里名太平坳兩邊高山山嘴上有喇嘛寺形如象鼻故名象鼻子再行平坦五六里有蠻戶卽是大窩共走五十里換烏拉住頭人蠻房約有蠻戶十餘家

第四十八站住窩南多向西在山凹中行沿河走二十里踏水過河走一段又踏水過河水不深與馬腹齊卽上山腰窄路路不盈尺窄而且險况係沙土

下去即平埧兩邊古樹排立不疎不密走出平埧又上山腰不遠又下坡仍如平埧依舊兩邊古樹排立林外兩邊高山松柏疎密相當山景入畫行不久又向右手過橋下去亂石滿徑行不一里右手又過橋仍走山凹平埧二三里即窩南多地方又三十里矣共走五十里有蠻戶十多家公館窄小

第四十九站住甲貢行不多時至河邊過木橋向北走山凹路甚曲折兩旁山高而秀路徑凹凸行十餘里又過木橋走不遠又上山腰道窄樹密稍一大意非碰即擦下山脚又上山腰路陡兩邊山高不見陽光氣候異常寒冷途徑忽上忽下仍是窄路且陡共走六十里到窩南卡打尖此處係碩板多與拉里交界處有蠻戶三四家又在山腰中行許久又上小亂石山腰遙望對面小山如屏漸漸走出山灣在平埧古樹間徐徐行至小山脚下過小木橋左手邊上坡達坡頂即是甲貢塘有塘兵三名公館破壞人戶稀少共走九十五里

第五十站住多洞向西隨溝山腰中行約四十里過溝至大板橋打尖有蠻戶一、二家出門踏水過溝行上坡路極陡須下馬步行不數里踏露過溝直向

西南行雪霑滿徑甚爲難走行許久見前面高坡過此坡即是多碕塘又十里餘矣此地無蠻戶只有公館一所塘兵三名又無支應馬料自備共走七十里

第五十一站住擦竹卡向西隨溝行亂石路難走至弩弓拉山頂共四十里此山著名多怪山不高大小亂石雪霑滿徑萬分難走下山脚左手有小海子又十里矣仍係亂石路又依山凹行許久轉過山嘴走不遠卽是擦竹卡又四十里矣此地只有公館塘兵二名無蠻戶有一家露天帳篷柴草全無地極寒冷終日大風拉里糧台派人送來小菜四樣共走九十里

第五十二站住拉里向西走平坦惟霑多難行至氣死坡山脚共三十里上坡不高又行三十里見對面山上有紅牆寺院卽向西南轉過此山卽是拉里衙門寬大卽作爲欽差行台糧員因水土惡劣移駐江達矣設把總外委各一員有蠻戶百餘家柴草艱難出產鹿胎膏熊掌鹿茸糧食由各處運來水性有毒食之腹脹頭痛氣喘兵丁鹽折與前藏相同道路四通八達有營官脚下水性平和無毒應換烏拉之處是日共走六十里

第五十三站住阿咱向西南走四十里至拉里山頂沿途積雪未化被風吹下如落雪一樣路極難走下山路不長陡而滑至山麓共十里即是阿咱有塘兵公館窄小有喇嘛寺一所蠻戶十數家柴草艱難吃牛乳甚便共走五十里

第五十四站住山灣過溝行平坦在阿咱海子左邊行兩旁高山夾海子直至海子盡頭處三十里矣相傳此海深通龍宮海中有獨角蛇偶時出現又向南在山凹中行十里見有义路即從右邊大道上去又折轉向南行約二十里即是山灣地方住公館有塘兵三名蠻戶兩家天氣異常寒冷柴草全無共走九十里

第五十五站住常多過溝向西南上山名瓦字山盤旋而上石子路陡而且險山上積雪未化至山頂三十里矣下山路稍平仍是石子路難走共四十里至常多有塘兵公館頹壞住蠻戶共走七十里

第五十六站住擬多向南從溝渠左手行十餘里右手有三座石塔再走十里上大石竇上鑿碼頭層過去卽上山腰下去不遠卽過溝向西一二里卽是

凝多如不過溝向南卽往波米大道共四站路可到波米凝多係拉里江達兩交界處有塘兵公館傾頽有小喇嘛寺一所蠻戶十餘家柴草俱全此地天氣溫和共走七十里

第五十七站住江達向西下溝過小木橋行不遠過山麓仍向西南走此山如塔孤聳入畫隨河邊走兩旁高山樹木茂盛行許久約四十里至大河填係露天尖站再向西南走隨河邊約行四十里過大木橋卽是江達是日住蠻戶經堂此地坐落三山之凹二水環繞設有礮巴外委一員防兵四十名拉里糧務移駐此處有蠻戶百餘家少有市面水土平和商家惟山陝西人最多專辦麝香鹿茸順河而下係往工布產各色毛織品共走八十里

第五十八站住順達向西北行不一里上山腰路有鑿碼頭層陡而難走幸不長一段過去仍在山凹中行約三十里上小坡下去過一溝渠有蠻戶十餘家係山跟子地方可打尖又下溝過木橋直走至見有叉河離順達不遠矣又上小坡下去不數里卽是順達有公館蠻戶十餘家共走六十里

第五十九站住落馬嶺向西南順溝行六十里平道過大橋地名大橋填有蠻

戶數家又行六十里又過橋即是落馬嶺有蠻戶十餘家一路異常寒冷道路平正好走共走一百二十里

第六十站住堆達晨行折回過木橋仍向西南漸漸上坡共走上坡路四十里至落馬嶺山頂此上高而且長因漸漸而上不知不覺直至山頂矣下山亦漸漸而下共五十里至堆達又名普魯蒼有關帝廟一座此處換烏拉共走九十里

第六十一站住烏絲江行平道三十五里過木橋名如駃橋河名烏絲河大而且廣有蠻戶一家又行平道三十五里抵烏絲江有蠻戶十餘家前藏守備至此接差此地坐落山凹之中柴草俱全共走七十里地面遼闊平正大道第六十二站住仁靖里向西行平坦共六十里至仁靖里有喇嘛寺蠻戶三十餘家糧食柴草俱全此地換烏拉

第六十三站住墨竹工向西走平坦六十里抵墨竹工有磔巴柴草俱全有蠻戶二十餘家喇嘛寺一座此地係坐落山凹大平坦應換烏拉凡遇換烏拉之處必須住宿藏地本山連山惟拉薩都會周圍均係平坦將到藏都沿途

概係平地居多

第六十四站住德慶向西行直至河邊隨河邊行四十里至喇嘛寺又十里又有喇嘛寺園中樹木茂盛有大橋一頂蠻戶數家係尖站過橋又行四十里至占達塘有塘兵蠻戶再向轉過二山嘴仍沿河走山景甚好過橋一頂卽是德慶此地坐落小山之中心大平坳蠻戶甚多有甘丹喇嘛寺極大從前藏王駐此寺內前藏夷情糧務都司均來此接差應換烏拉之地共走一百二十里

第六十五站到西藏都會行四十里平坳至蔡里打茶尖相傳此地係唐時豬八戒贅親之處又十五里至藏河邊坐牛皮船過河登陸又行五里抵藏都卽拉薩駐藏大臣駐塔處也共走六十里欽差係十二月二十六日接印視事

西藏源流

西藏古吐蕃元明爲烏斯藏其人則謂之唐古特又曰土伯特其地分三部曰康卽四川打箭鑪外巴塘察木多之地爲前藏曰衛卽布達拉及大招本吐

蕃建牙之所今達賴居之爲中藏曰藏卽札什倫布本拉藏所治今班禪額
 你德尼居之爲後藏又極西之阿里則稱四部云北界河源東出於西寧皆
 與藏地北南界大金沙江雅魯藏布江橫亘于三藏之南即大金沙江之上
 界相連數倍或云即黑水而三藏也由緬甸入南海視江上遊之小金沙
 江廣闊怒江爲三藏南界者非也西界雪嶺阿里即葱嶺之南幹東西
 三危其以怒江爲三藏南界者非也
 六千餘里南北五千餘里距中國北京萬有四千餘里由川陝滇入藏有三
 路皆先至前藏而後至中藏又西至後藏又最西至阿里云在五天竺之東
 北古佛國也而距天竺較近阿里南二千餘里入額納特克境即中印度 故經教至多持陀羅尼
 尤驗多僧無城郭僧居士臺者皆持戒律不持戒律者居士臺之外自唐太
 宗以文成公主下嫁吐蕃贊普好佛立寺廟西藏始通於中國元世祖封西
 蕃高僧八思巴爲帝師大寶法王以領其地後嗣世襲其號而西藏始爲釋
 教宗主元史釋老傳八思巴者土番人生七歲誦經典數千萬言能通大義
 新字僅千餘凡四十年十有五頌行天下後藏薩迦有刺麻即元明洪武
 帝師後人爲紅教之宗其教先娶妻生子有後則不入室始登法座
 間太祖以西蕃地曠人悍欲衰其勢而分其力故凡元代法王國師後人來
 朝貢者輒因其故俗許其世襲以化獷俗以尊中國永樂初成祖則兼崇其

教聞西僧哈立麻有道術國人稱曰尙師法王等死其徒輒自承襲歲一朝
貢略與土司等嗜茶貪貢冀保世職故終明世無西蕃患然皆紅教非黃教
其黃教宗祖則創于宗喀巴一名羅卜藏札克巴以永樂十五年生于西寧衛得道于
西藏之甘丹寺成化十四年示寂初明代諸法王皆賜紅綺禪衣本印度袈
裟舊式也其後紅教專持密咒流弊至以吞刀吐火炫俗無異師巫盡失戒
律定慧宗旨宗喀巴初習紅教既深觀時數當改立教卽會衆自黃其衣冠
遺囑二大弟子世世以呼畢勒罕轉生演大乘教呼畢勒罕者二弟子一曰
達賴刺麻一曰班禪刺麻刺麻者華言無上也今俗加口旁喇嘛其班禪又稱額而德尼相傳達賴爲觀音分體之光班禪爲金剛化身在印皆死而不失其通自
知所往生其弟子輒迎而立之常在輪
回本性不昧故達賴班禪易世互相爲師其教皆重見性度生斥聲聞小乘
及幻術下乘當明中葉已遠出紅教上未嘗受封于中國中國亦莫之知也
達賴一世曰敦根珠巴者贊普之裔世爲番王至是舍位出家亦名羅倫嘉
穆錯嗣宗喀巴法傳衣鉢始以法王兼藏王事又前輩達賴別名曰普通前
輩班禪別名曰海潮攷西藏達賴係明朝始有之至第五世達賴名曰羅卜

藏嘉穆錯當大清太宗崇德二年喀爾喀三汗奏請發帑使延達賴刺麻四年因厄魯特使遺達賴書于是達賴班禪及藏巴汗青海固始汗聞大清興東土各報使繞塞外數萬里以崇德七年至盛京奉書及方物約共行善事并獻卦驗知大清必當一統明年遣使存問達賴班禪稱爲金剛大士是爲大清通西藏之始順治初天下混一達賴班禪及固始汗各遣使獻金佛念珠表頌功德雍正二年有青海賴麻助羅卜藏丹津之叛王師討平之始留大臣正副二人領川陝兵二千人駐前後藏鎮撫之是爲大臣駐藏之始是年準噶爾策忘死子策楞立請赴藏煎茶又聲言送還所虜拉藏汗二子詔嚴兵備之及收前藏東西之巴裡塘歸四川設宣撫土司治之其中甸維西隸雲南設二廳治之惟察木多以外各土司仍隸西藏乾隆十五年而有朱爾墨特以駐藏大臣不便於己先奏罷駐防兵陰通書準噶爾請兵爲外應聚黨謀變駐藏都統傅清左都御史拉布敦覺其逆芽欲先發而左右無兵乃以計誘至寺中登樓手刃之旋害于賊黨時第五世達賴已卒達賴刺麻使番部公爵班替達攝藏事擒逆黨以聞清將軍策楞班第至藏詔以二臣

先事靖變贈一等伯卽以其地立雙忠祠永禁唐古特及準夷往來之使至是西藏永不封汗王貝子以回噶布倫分其權而總于達賴刺麻副廊爾喀入寇達賴年少不知調度我駐藏大臣調停賄和不敢戰乾隆五十六年復深入福康安海蘭察大舉討平之留土番兵三千漢蒙古兵千成藏自是駐藏大臣行事儀仗始與達賴班禪平等其四噶布倫及番目缺均藏臣與達賴會同選授定西藏刺麻銀錢出入之額與春秋巡查鄂博之制于是事權始歸一達賴班禪六世後不復轉世故後此登座者無復真觀祇憑垂仲降神指示垂仲者猶內地之師巫也又達賴班禪親族多營爲大胡士克圖以專財利致有仲巴兄弟誨盜之禍上久悉其弊欲革之未有會也乘用兵之後特運神斷創頒金瓶一供于中藏之大招寺遇有呼畢勒罕出世互報差異者納籙瓶中誦經大臣會同達賴班禪于宗喀巴前掣之而各札薩克蒙古所奉之胡圖克圖其呼畢勒罕將出世亦報明理藩院與駐京之章嘉呼圖克圖掣之瓶供雍和宮尤元明以來所未有章嘉呼圖克圖者乃第五輩達賴之大弟子也

雜記

國朝共有三位活佛一係達賴喇嘛爲全國所最尊重者土民以達賴保護國家維持佛教住西藏布達拉山上寺內供有清乾隆皇帝畫像凡駐藏正副欽差到藏先上山拜乾隆帝聖容後進使署接印一係班禪額爾德尼住後藏地名札什倫布雖隸屬達賴喇嘛然其人民對於後藏國王兼法王有至大尊重之意一係哲卜尊丹巴呼圖克圖駐庫倫均黃教之宗西藏政事歸色拉布賚綳噶勒丹三大寺主持四位噶布倫均三品官無權凡事不能作主唯唯而已拉薩坐落山凹之中中有藏江一條江之北岸相傳從前係海釋迦佛遺羊馱沙土填實今大招寺內釋迦佛像身下係海口也佛身移開有水溢出布達拉山係平地聳起之山高約二里疊砌成樓高三層有千餘間上有金殿三座殿下有金塔五座各殿中陳設歷代寶珍器皿甚多明末時第五輩達賴喇嘛建築六十年工竣該喇嘛壽至一百五歲此樓落成後圓寂也清帝乾隆御容卽供此第五層樓上寶物充富使署在此山之南相距十里使署之南不一里卽雅魯藏布江江之南岸係大山山麓有兵工

廠山之南係唐時贊普世居地贊普爲唐時西南土番久爲唐害唐貞觀八年其贊普（贊普王號）特勒德蘇隆贊遣使朝貢請婚太宗以宗女文成公主下嫁令江夏郡王道宗持節送之隆贊親迎於河源而歸則天時隆贊元孫棄隸縮贊立復請婚中宗亦娶以所養雍王女金成公主配之久後贊普子孫懦弱今爲西藏藩屬矣今尙有後人在使署之東漢夷雜處有市面街道係圓形圍環大招寺院院內供釋迦佛宗喀巴婆羅門及金成公主文成公主各像約計千餘間甚爲寬敞財物富足另有小招寺院一座向東開門係文成公主建修示不忘古國之意使署之東北約十里有扎什城一座係清國建築專駐戍兵內有火藥庫營式兵房附近有關帝廟城隍廟蕭曹廟係中國兵民崇拜也（札什倫布華言吉祥山也）西藏在亞西亞之中央在中國西南其地爲長方形峰巒重疊地勢崇高東以巴塘之南墩寧靜山界北以唐噶拉大山接青海以崑崙山脉接新疆西連克什米爾南以喜馬拉亞山出入於不丹泥泊爾及英領印度之阿薩密等地東南接雲南之一部土地遼闊人烟稀少東西相距三千六百餘里南北相距一千四百餘里居

民達六百萬以上天氣寒冷八月初間卽見冰至來年四月底冰泮不產糧食人民飲食全靠青稞磨粉名爲糌粑五月初旬下種七月底收穫元明以前土番每患出產不敷衣食專事搶劫過活中國川邊與藏毗連屢遭此患清朝有鑒於此特設限制西藏人口之法令藏人尊崇佛教凡生男子祇留單丁餘均送入喇嘛寺削髮出家現西藏人民無不以當喇嘛爲榮有清以來二百餘年西藏人口日漸稀少數百年中川邊無土番搶劫之患人民風俗慈愛樸誠心性敦厚賊盜少刑法簡而嚴盜竊物件值銀一錢者卽治以挖眼珠之罪初等罪犯關入黑暗房子內至重罪犯將犯人剝去衣衫以生牛皮裹緊身上置太陽晒乾數日卽斃凡人有疾病卽誦經求佛不恃醫葯西藏本無醫葯之說不愛潔淨人初生時卽以酥油擦於遍體置太陽晒竟日據云永無病痛人死之後有天葬火葬水葬之別天葬抬入荒山邀喇嘛圍環死人念經畢天空自有群鴉飛來一啄而盡間有不食者必此人平素不懷好心不行善事如此則一家人多羞慚萬分火葬以火焚化水葬投入深水葬入魚腹是也小孩自初生至年老永不洗面洗身男女服裝尙元明

制不着小衣滿留髮無高坐官職自七品起至三品止三品職僅四員係噶布倫名稱內俗官三員僧官一員俗官係有髮者僧官係喇嘛充任武職以四品爲極係戴琿名稱全藏定額六人如琿五品定額十二人甲琿六品定額二十四人定琿七品定額百二十人理民情之官名郎子洽如中國之知縣官另有藏王統轄全藏文武因清光緒間圓寂未轉世今尙缺額現駐藏大臣遇事卽咨商達賴喇嘛藏俗每逢新年甘丹池巴喇嘛登露天臺講經一月各寺院喇嘛及知經者咸來聽講有不合者可辨難如中國考科舉然講經期內終日大風云妖怪來聽經之故一月講經畢則風頓時息余在藏親自目睹者非謊語藏地極高每逢三月時天朗氣清天上星辰明晰可數大星如登挂在半空小星貼於天際西藏都會多土山少樹木無虫豸百鳥每當萬籟靜寂時半空中狂吼一聲抬頭一觀見當頭白鶴成雙自北而南真所謂鶴鳴九臯聲聞於天

藏地風俗亦先母而後父清廷對西藏各寺院活佛各呼圖克圖定例自經駐藏大臣於釋迦佛前抽籤掣定奏聞後該佛之父母卽稱佛公佛母朝廷應頒

賞該佛公佛母世俸從前後藏班禪佛係亦大班所生（亦大班即中國女傭名稱）班禪佛之母平時私情人甚多自不知與何人得胎清廷有旨飭駐藏大臣訪查無着具覆時卽叙班禪佛母名某某父無一定清廷卽先頒賞佛母暫缺佛公之俸嗣後與亦大班通姦人出首清廷補賞竟被班禪處死

藏俗女傭稱亦大班男傭稱小哇子如男女傭有姦情事主人向不禁阻惟生女爲主人得生男自得因藏俗無賣買人口之例有使女爲至寶貴也

亦大班平素服從主人之命粗細事一律服役如亦大班之子得各寺院之呼圖克圖主人頓時特別優待爲主人者反伺候亦大班其理何因藏俗信佛呼圖克圖爲地方之主爲一方人民之依被人尊活佛兼尊其父母也

西藏有黃教紅教黑教之別黃教專主慈善紅教多法術如吞刀降神符咒等事黑教多邪術專咒人死或收鬼怪

西藏田賦收入黃教得七成紅教得三成黑教無分藏地栽種旱糧不插禾苗旱糧不過青稞麥一宗地脉寒冷每年自五月上旬下種至七月底收成爲時間甚短一年祇此一熟此熟不成濟饑無術藏地高原無水災懼冰雹之災夏

令氣候雖暖時有疾風將深山不化之冰翼出平地全仗紅教喇嘛救護余在藏於甲辰六月卽遇大風遍山飛雪霽紅教喇嘛念咒能使露水落在山凹不到田間其術以漏空鐵筭實以清水念咒時能使水不從筭眼漏出亦一奇術也

西藏天氣寒冷人死不化從前後藏糧員李大令湖南人死在後藏伊子藉一兵之餉守父柩十二年不得歸余等到藏卽集腋得六白金令伊子扶柩返川因柩重笨馬不能負卽開棺將屍折斷用木箱裝運見李故大令屍體未化尤光緒壬寅歲駐藏安大臣奉旨回京途中巡捕施某病故不忍遺棄卽用大皮箱封固裝運至四川打箭鑪伊家屬開箱安殮屍體尙綿軟未腐半日後見風卽僵

西藏布達拉山達賴所居寺內有石鍋係達賴喇嘛自用之鍋煮牛羊肉卽用此鍋鍋內肉滷數百年未乾煮出牛羊肉味格外芬香每逢清廷頒到飭書駐藏大臣親蒞此寺宣讀飭書與衆喇嘛聽元旦節令駐藏大臣亦親蒞此寺拜謁乾隆帝聖容隨員及文武官均隨班行禮達賴卽備食物名曰筵宴食物係

酥茶（即牛油茶）油拌白米飯一杯石鍋煮成之羊肉一塊僅此三物食時不用筷須動手隨從兵弁冀得此油拌飯到家分送親友曰沾佛氣爲畢生幸福此石鍋經火不裂亦奇

尤布達拉山寺內有小金塔五座累代達賴喇嘛圓寂卽盤坐塔內屍體亦永遠不化第五代達賴圓寂已百餘年今不但屍體未化頭髮能生長已有二尺餘長亦屬奇異

駐藏大臣親蒞布達拉寺內先到大殿設三高坐正坐三尺高係達賴喇嘛坐兩旁各設一坐與達賴之坐並行約低尺許欽差居左藏王居右大堪布及掌寺大喇嘛四葛布倫隨藏王一邊依次排列盤坐於墊上距地尺許漢屬各文武隨員從欽差一邊依次盤坐墊上欽差命滿印房掌印筆帖式當衆宣讀飭書達賴令知經大喇嘛講經一道寺內另有許多食物油灼麪食等類任憑漢番隨從人等爭食頗爲熱鬧

西藏都會一片平原東西數百里廣南北數十里中係雅魯藏布江水勢洶湧天氣寒冷八月初凍冰至來年四月底化冰五六七三個月天氣溫和樹木希

少祇有楊柳一宗千百株成林每於夏令一季枝葉茂盛藏俗每至楊柳發葉時上下流社會人均攜帳篷合家老幼住宿於柳林間吃牛羊肉飲麥酒或歌或舞呼親喚友名爲吸新氣一年一季番人自稱西天極樂世界

西藏某戍兵之婦人一日放馬山邊至夕不歸其夫往尋有馬無人連日訪問杳無踪跡一月之久其友忽遇於河中小島呼之不應如未聞者卽渡過婦人側一掌拍去婦人如夢中驚醒此島四週是水此一月間以何物充飢據婦人云每餐食麪包數枚指其袋中所存均小石子是也令其再吃此石子卽咬不碎矣如被盜匪擄去見他頭戴之珍珠松耳石以及銀手圈均在衣衫則破綻不堪疑係遇妖

藏番好佛初生時起至能言語卽授以各經一生惟念經爲正事往往有死後腿骨上有佛像子孫卽鋸此一節腿骨供奉佛堂藏地自中等以上人家多有佛堂一座各大喇嘛等佛堂最爲宏敞地如玻璃光滑非常行走稍不留意卽跌仆以毛牛皮兩方貼地兩足踏於毛皮上不須開步身稍搖動卽向前直進如跑水一樣

自拉薩至亞東關程途列後

第一站住業黨出使署向西行二十里至關上有布賚紉寺甚大過登龍崗打尖中過大橋道路平坦有居夷房舍又四十里至業黨有塘房柴草俱全共走六十里烏拉歸藏番支應

第二站住曲水晨行五十里至降嶺打尖自業黨至降嶺沿途左水右山節節險要又行四十里至曲水有人戶十多家自藏支應烏拉至此須換共行九十里光緒三十年英藏開戰英兵至此經藏臣派員阻戰卽斯地也

第三站住白地晨行平坦十五里至鐵索橋不過橋又行平坦十五里至大喇嘛寺該寺背山面水南面係大河寺前左右有柵門兩重又行平坦十里至河邊此水來源自後藏繞江攷折向東流至曲水折入南流達恒河入大海也河極寬大水勢洶湧番地無木船坐牛皮船過河上岸不數里卽亞鎖大山自拉薩至亞東關第一座大山也牛皮船以樹條爲架如龜形用四張大牛皮縫成一大張四方式籠於樹架上浮水爲船不用櫓順水性直渡斜對岸也可載重千數百斤自亞鎖山麓至山頂共五十里頂上有土壘係光緒

三十年夏藏英開戰而築當時英兵傷百餘名藏兵傷千數百人卽此地也山頂之南卽係一海子當日番營築壘實非險要處應守亞鑽山頂之南約七里地是其要隘處矣故有將必歸有謀又下行三十里到白地此一節山南山北上下路皆陡而難走白地有塘房有夷戶十餘家共走一百二十里抵站已夕陽西下矣人極困疲至此應換烏拉白地坐落海之北岸頭人二家極狡猾換烏拉甚爲淘氣

第四站住浪噶子是日沿途換小烏拉不乏耽延自白地起身向西折入向南卽隨海子一轉共走五十里至浪噶子此處坐落海之南岸有蠻戶十餘家設有番屬營官光緒三十年英兵到此居民房舍盡被燒燬今係新建現在元氣未復共走五十里

第五站住春堆天明烏拉到齊卽起身走平坦路五十里到咱里塘此山多怪凡人過此不敢聲張一有人聲馬鈴之響立刻風雹交加自光緒十五年駐藏大臣升泰過此就地建廟設神以來太平無驚然余過此山初係天晴不一時卽聞雷聲隆隆初則細雨綿綿繼則雪花飄飄因卽驅駒疾馳直至春

堆而止已四十里矣共走九十里沿途天氣寒冷余過此時已七月下旬此地有蠻戶十多家大公館一所卽上年英兵駐紮之地百姓遭難元氣未復第六站住江孜晨行仍折回過河走山腰路五十里至谷洗此地坐落山谷之中有河流水終日滔滔不息故名谷洗進公館休息片刻卽上馬西行約十里餘走出山嘴則從此四面無山蕩平大道自拉薩至谷洗大山接連自谷洗向西則山小路平永無高山矣共走六十里至江孜是日共走一百十里江孜向西去兩站卽是後藏一名扎什倫布班禪佛駐此江孜設外委一員防兵十名關帝廟一座夫馬自拉薩至江孜向有老例自江孜至靖西祇支應各文武員弁及換防兵下向不支應隨員其他差使有定案也我係托名迎謁張欽差番屬尙不肯支應因卽重給賞金始照准共用四騎六駝江孜地方英人有電局係新定通商之埠江孜之北不數里有大街稍有市面漢夷二百餘戶中國設守備一員官小難鎮攝也

第七站住撒烏崗是日夫馬來遲至九點後始得起身行五十里至撒烏崗住公館左首有英人住戶一片是日共走平道五十里自江孜至亞東關道路

素多不平難走現經英人一律修築約有鉄道之廣其用心不可測也

第八站住撒馬達晨行平坦五十里到康馬打尖因換小烏拉四匹守候一點鐘之久又上馬西行平坦五十里至撒馬達是日共走一百里住頭人蠻房黑暗無光人亦困疲天氣寒冷七月底時候披裘也

第九站住毒境晨行遇小雨驅駒而進走大平坳五十里至噶拉蠻戶甚多進塘房小休一時噶拉北有大海子一個西面不一里有英人住房又行不數里即過橋隨毒境海子邊走共四十里到毒境住蠻戶甚爲窄小係一路來第一不良住宿處共走九十里海子南岸雪山連片係帕克里著名大雪山也山中有雪魚係四足終日在雪內行走得雪則生離雪則死以雪爲水也此魚大熱性陰虛人服之相宜山上不生草木惟五色雲霧直上連天光彩耀目正趣景也是日共走九十里

第十站住帕克里晨行四十里至堆舛一路大平坳風雨交加途中過骨魯邊界即光緒三十年英藏初次開戰之地番兵屍首今尙堆積水坎之中見之不免悽慘即在堆舛打尖換小烏拉四匹又行風仍大雨稍小仍行平坳路

左手有大雪山沿途英人立有電桿不久又飛雪共走七十里至帕克里天始晴明住頭人蠻戶此地有人戶百餘家設外委一員番官之營房被英兵拆去駐有洋兵數十名是日共走一百十里

第十一站住靖西大營晨行山溝路七十里至犢打祇有塘房之間休息一點鐘時又行山凹路五十里至靖西住馬兵王有福家王係回教甚爲清潔是日共走一百二十里自帕克里以西沿途有樹木與中國內地風景相同西藏樹木稀少今日見有樹木故心胸一開

第十二站住靖西係靖西同知駐節所晨行十五里至靖西同知衙門馬竹君派巡勇二名持名刺迎接是日共走三十里過春丕英人已建市房小有市面今日並無一站之路因昨日多走五十里矣至此適張蔭棠奉旨來藏查辦事件兩日前已到此余卽去稟謁張星使詢問藏中情形極爲詳切是日晚荷張星使餽送途中應用食物四色收受後當卽親詣行台道謝又在馬竹君署中便飯竹君係有星使調藏隨員此時代理靖西同知缺余在此住兩日卽行

自靖西過亞東關及哲孟雄大吉嶺火車站程途列后

第一站住躄若西行不一里至吉馬橋係一小街市稍有賣買又行十餘里至仁進崗房屋甚好民戶亦多又行十餘里到亞東關此關係中國設立歸北京總稅務司用人靖西同知係斯關監督現今稅務司名韓德森係英人初由北京派來此關現未實行收稅惟檢點過關貨物登冊造報總稅務司以備將來收稅標準耳此次英藏新約須將斯關移駐春丕地方即在靖西之北五里之遠靖西大營之南西藏地界至亞東關止過去係哲孟雄地界又走上坡路即是咱里山脚沿途亂石堆難走共二十里至躄若此處僅一家番人坐落山脚余即宿此屋小如舟僅容一榻令人抬頭不得幸未落雨是日共走五十里自靖西至大吉嶺須自備夫馬此次係僱二騎六駝每騎價盧比九元每駝盧比八元每盧比一元合中國紋銀三錢二分直至大吉嶺止驛夫名獨吉係靖西吉馬橋人

第二站住納湯仍向西走山坡路亂石曲折難上共二十里至咱里山頂此山險要已極一路霧氣濛濛視不及遠確係一將當關之地從前歸西藏於光

緒十五年被英人佔踞中英兩國交涉將此山劃出界外又行下坡路雖經英人修過亦未平正比山頂以東稍覺平正一路盤旋而下甚爲曲折沿途過二座小山頂左手有海子頗大計三十里達納湯是日共走五里住木房子甚潔靜居民約二十餘戶

第三站住帕湯井晨行十餘里遠遶龍圖山北沿半山邊而過在平正時候見正北約五百餘里有白雪山一座插入天際十之七在天下十之三透入天上余甚奇之詢諸驛夫據稱是崑崙大雪山英人云崗底斯山是也此山合地球第一高山山上積雪千年不化終日雲霧濛迷人鮮見今日一透亦一奇也正回顧間滿注目窮視藉飽眼福祇見雲霧四起計五分鐘之久已隱而不現聞此山要天晴無雲滿天蔚藍色即能現出余過此時天已起霧遲來一刻即不能見矣余今得見斯山實爲此生第一奇幸天下無論何名勝一見了然終屬虛名惟崑崙崙山愈看愈覺有趣非其他名勝可比也龍圖山爲西藏拒印第一門戶險峻非常是光緒十五年英藏搆兵失去蓋時駐藏大臣升泰與英交涉仍將此山劃出界外滿洲人之無能大底如斯西

藏有險要不能保守殊爲可惜英人自得此山即於北面建築大道路之北面是山壑一落千丈現今秋令無雪驟馬可行至嚴冬大雪人馬均從山頂過須多遶十餘里又從山邊走下坡路二十里中過一橋至林當祇有人戶二三家是日共走七十里路陡曲折難行帕湯井上下數十里係馬蝗山馬蝗有寸餘長有人路過樹上落下食人膏血見所過驟馬四蹄多有馬蝗據云陰雨天最多晴明則少余因帕湯井有馬蝗趁天氣晴明多趕二十里避之故住林當也

第四站住純囊晨行下山路二十里即到蘆嶺過去不一里即過橋又漸漸上山腰路曲折而行計三十里抵純囊是日路極好走沿途樹木茂盛花香風清令人心胸爽快不如藏地之荒涼矣住小屋子之裏間是夜四更大雨共走五十里

第五站住白東晨行下坡路十五里抵宗湯壩有電局并洋式房幾所人戶十多家居民喇爾喀人最多又行下坡路五里過橋又走上坡路二十里即到白東亦有人戶十多家此處英人設有頭目盤詰過客檢查例禁各物是日

共走四十里住小洋房頗潔靜沿途有一種樹葉如莧科厚而潤土人以此樹葉釀酒故名酒樹帕湯井至此天氣與江浙同土人面貌與中國人無異女人係天足不著履襪衣服尙紅色項上挂珊瑚耳環用松耳石係綠色石產於中國北部居家人以好白米煮熟打扁晒乾有客來即裝一碟用茶過服味極甘香且潔淨余亦叩擾主人一碟并買主人一床大五色線毯價盧比八元攜回以作紀念品主人之婦亦云樂意余購此物可以傳到中國否則必得價十二元也務農人國課極重計田五畝每年上國稅要盧比三十五元之多一年田間可得九熟收成不少地脈煖之故也

第六站住噶倫舖晨行五十里途遇大雨行李全濕雨甫止即到噶倫舖厲雲南人馬世元新建洋房頗稱潔淨馬世元赴西藏經商多年入贅於此自亞東關起至噶倫舖止係哲孟雄地天氣溫和多雨水即日飭護兵秦長榮趁回靖西驛馬返藏銷差給盤費洋六十六元又藏銀四元另給夫馬洋十二元并賞給一切零件棉衣一套及風帽皮扣袋等件今已八月十九日哲孟雄近熱帶天氣暖西藏地氣寒冷回藏尙有二千里抵藏約在重陽時候途

中必冷故將棉衣一套賞他藉以禦寒又賞房主人藏香一捆住一宿給房金十二元自靖西夫馬至此而至自此地至大吉嶺夫馬須另雇房主人云祇須雇至咱拉八崗上火車大吉嶺火車至印度必過咱拉八崗自噶倫舖至大吉嶺一百里至咱拉八崗僅七十里可少行三十里是日共走五十里行李過多不宜隨身先交火車裝行李車約十日包送到東印度計九百斤水脚盧比二十四元先取收條貨到印度付價

第七站住咱拉八崗晨行二十里至鐵索橋均下坡路過橋又行上坡路二十里至谷肅茶園沿途多種茶樹道旁蟋蟀之聲唧唧不已樹頭蟬鳴悠悠儼然中國風景又行四十里抵咱拉八崗將到崗之十餘里平坦好走右手依半山邊係修成大道左手一望無涯遙觀大吉嶺則在咱拉八崗之西北三十里間也咱拉八崗坐落山頂係火車往來之處人戶甚多有市面是日共走七十里住民房主人皆喜獨吉我係住宿經堂非常潔靜門外數步即火車軌道咱拉八崗至噶倫舖每騎需盧比六元八月二十一日至咱拉八崗天氣須服夾衣次日午前到印度服紗衣尚汗流不止隔二千餘里天時

相差三個月

自咱拉八崗至東印度火車程途列后

第一日自咱拉八崗午後一點鐘上火車即日七點抵喜里古魯立刻換車開行即日夜三點到恒河邊俟天明坐大火輪渡過恒河計三十分鐘約十五里廣登岸即平道又上火車即日午前十點到加爾各答即東印度也係信車甚速如在咱拉八崗趁午後十點三十分慢車沿途耽延自大吉嶺至喜里古魯在半山上行尙屬小車無頂篷係露天距地五寸高每節車祇坐八人處處停頓上下山多有車折盤旋而下自喜里古魯至印度係平道大火車有蓋蓬可避風雨每點鐘行一百二十里大吉嶺至東印度共計二十八站至恒河邊係一半程途恒河內有大蝦七八尺長甚多余親自目睹印度市上之小蝦亦有六七寸長不爲奇也

頭等車位價盧比三十元准帶行李二門合一百二十斤有浴盆另給洋二元印度天時炎熱故車上備浴室也

二等車位價盧比二十元准帶行李一門半合九十斤浴盆同上

二等半車位盧比十一元准帶行李三十斤無浴室

三等車位盧比八元准帶小衣包

趁火車不能多携物件另有行李箱每門重需給運費二元半直送至印度可以交貨給價先出收條決不誤如言語不通可在大吉嶺雇小娃子充沿途通詞給予三等往還車費寫往還車費合巧需盧比十二元另給工食五元亦屬便當此等充小娃子人能有中國普通語言因喜里古魯地方有通噶爾喀火車必須留心

印度住宿

印度如住廣東人棧房一人一間房金每日盧比一元飯食在內如同伴入衆可租一間每月房金七元自炊餐米好價廉如過客不久住卽寓洋人酒店一人一間每日需洋五元一日兩西餐浴室俱全其次則每日二元印度有唐人街英語曰機拉八拉卽華人聚處也華人盡廣東人多做皮鞋生業信祀關帝有關帝廟一座英人自蠶食五印度以來設總督一按察使一自光緒三十一年因藏事與中國交涉就便將印度添設巡撫缺分駐打噶地方

將印度劃分兩省以衰印人之勢今印度人民恨之入骨現印度人齊心抵制英國永不銷售英人貨物每年於劃分印度之日閉市一日不做生意鳴鑼放砲唱亡國歌以爲紀念亦不忘國恥之意其志可嘉然英國虐待印人苛刻已極防備甚嚴究不知以何術見強打噶在印京之西南火車須二日之程約計二千餘里遠中國舊歷光緒三十一年八月二十九日卽英國砍分印度添設巡撫之日印度坐落印度洋之北面距海口五里之遙商務極盛惟猷太國商人最富印人次之馬車電車往來如織運物專以牛車入口英商居百分之一二另有纏頭係土耳其人頭纏白布丈餘又嚨爾喀人均作珠寶生意緬甸人辦貨均往印度天氣炎熱因地居赤道春令最熱夏秋天氣如中國夏天每日日落雨幾次雨後卽大風隨之夏秋時每多涼風人民尙可支持春令少雨故格外炎熱居民必赴海口吸空氣至冷天時宜服兩層單衣并有博物院萬牲園走獸飛禽無一不備花草甚多余在印度住三星期語言不達不能隨時隨事詢問有許多不能筆記者殊爲缺然至九月十二日坐吉生公司船起身回國官艙船價盧比壹百元另給飯食洋二十

五元

自東印度至香港程途船價列后

頭等客位即大棗間需盧比二百四十元伙食在內浴室俱全酒資在外

二等客位即官艙需盧比一百元另給伙食二十五元浴室俱全酒資在外

三等客位即大艙需盧比三十元另給飯食十五元一切不便洋人看待不善

每到一處碼頭必須驗病均令露體惟頭二等客特別優待余上吉生公司船自九月十二日午後四點開行約十數里駛入印度洋至十八日午後一點至檳榔嶼英語曰庇嘸此處坐落海中亦一商埠海之北岸亦有洋房比南岸稍覺冷落言有火車通雲南邊界樣貢地方自印度至此約海里五千餘里此船每一點鐘行十邁每邁合英里三里二自印度至香港共計海里一萬二千數百里海水發源在星宿海入黃河達東海遶過香港南洋新加坡歸大西洋折入西北仍歸東在星宿海也是以余由印度起身向東行即係逆流輪回不息天地之氣脉生生不已理所然也印京至新加坡連日向東北走東多北少檳榔嶼停舟一日十九日晨開行二十一日晨七點抵新

加坡卽上三層樓一望見西北另有海口海中山山接連問同舟人云通吉龍及加刺滿再向西北卽暹羅灣偏東卽安南惜舟中客人語言不同訪問爲難惟賬房係廣東人能說中國話時得詢問焉由檳榔嶼開船隨海之北岸夜望沿海邊小山處處有露燈云路程燈桿也星加坡英語又曰石叻此坡坐落海之東北岸係一海島洋房接連有馬路十餘條馬車電車往來不息係英屬一大商埠商人粵人最多印度人次之英人稀少二十二日午後六點開船向東北行駛搭客甚多官艙住滿大艙亦擁擠不堪男女客約有二千以外彼此見面舉手爲禮星加坡出白冰片每斤需大洋十元上下二十九日午後二時抵香港住長發棧房間窄小每日房金小洋六毫菜飯不便香港坐落大海之中海面不過五里之闊西北卽廣東省城香港市面極大電車馬車汽車往來不息街分上環中環下環三層山上層層洋房在長發棧樓上夜觀山上燈火疎密如星均係電燈也余歸心如矢在香港住四日卽趁招商局安平輪船遄返上海抵滬之日卽十月初八日香港天氣和暖起身時服夾衣滬上已披裘矣

川藏哲印水陸記異

五十八

川藏哲印水陸記異終

民國十二年二月出版

版 權 所 有
翻 印 必 究

編 校 印 總 代
撰 對 刷 發 售

北 京 師 範 大 學

圖 書 館

定 價 大 洋 四 角

929·66
- 438

登 記 号 140612

929.66
-438